



ЗАМАН



Газета издаётся на балкарском языке с 1924 года

Интернет-версия: zamankbr.ru

КЪАБАРТЫ-МАЛКЪАР РЕСПУБЛИКАНЫ
ПАРЛАМЕНТИНИ ЭМ ПРАВИТЕЛЬСТВОСУНУ ГАЗЕТИ

ВРЕМЯ

ГАЗЕТА ПАРЛАМЕНТА И ПРАВИТЕЛЬСТВА
КАБАРДИНО-БАЛКАРСКОЙ РЕСПУБЛИКИ

МАХТАУ БЕРИУ

Къабарты-Малкъар Рио-де-Жанейрода Олимпиада оюнланы чемпиону Беслан Мудрановха къууанчлы халда тубегенди

Тюнене Рио-де-Жанейрода XXXI Олимпиада Россейни жыйымдыкъ командасына биринчи алтын майдалны келтирген **Беслан Мудранов** Къабарты-Малкъарга келгенди. КъМР-ни бла Ставрополь крайны чегинде, Тамбуан келню къатында чемпион миллет россейли команданы

низацияланы келечилери, айтхылыкь спортчуну нёгерлери бир бирге ал бермей алгышлагъандыла, ала «Ура!» деп къычыра тургъанлай, аланы орталары бла ётгенди Беслан. Правительствоу Председателини орунбасары **Владимир Битоков** а, жигитни къучаклап, кёп ыспас

ыспас этип, ол жаланда Къабарты-Малкъарда жашагъанланы угъай да, битеу Россейни адамларын да къууандыргъанын айтханды. Андан сора саугъага къумалы атны битеу кереклери бла бергенди, алагъа уа черкеска бла къама да къошханды.

Алайдан «Горцы» мото клубну къаууму ашырып баргъан автоколонна республиканы ара шахарына тебирегенди. Мында айтхылыкь спортчугъа эмда аны насийхатчысы, Афиныде Олимпиаданы доммакъ призёру **Хасанби Таовха** КъМР-ни Башчысы **Юрий Коков**, республиканы Правительствоусуну Председатели **Мусукланы Алий**, вице-премьер **Сергей Говоров**, КъМР-ни Башчысыны Администрациясыны таматасы **Мухамед Кодзоков** эмда спортну ветеранлары, шахарчыла да тубегендиле.

Юрий Коков Беслан Мудрановну хорламы, биринчи кюнде, бизни къыралгъа уллу къысылулукь этген кезиуде,



кийими бла, боюнунда да алтын саугъасы тагъылып, машинадан чыкыгъанда, алайда жыйылгъан жюзле бла адамланы къууанчларын айтып ангылатыргъа окъуна къыйынды. Аны ветеранла, жаш тёлю, КъМР-ни Правительствоусуну членлери, КъМР-ни Парламентини депутатлары, жамауат орга-

сёзле да айтханды. Зольск районну «Исламей» ансамбли да аллына тепсеп чыкыгъанды, миллет кийимлери бла жаш бла къыз а туз-гыржын эмда максыма бла тубегендиле. Беслан кеси да, ортагъа чыгып, аякъ бюкгенди. Районну администрациясыны башчысы **Руслан Гятов**, жашха уллу

болдурулгъаны себепли Россейни битеу жыйымдыкъ командасын жетишимлеге келлендиргенин чертип айтханды. «Спортну геополитика кюрешде хайырланыргъа арталлыда жарамайды. Бу Олимпиадада бизде энтта да алтын майдалла боллукъларына бир ишеклигим жокъду», - дегенди КъМР-ни Башчысы.

Андан сора ол Олимпиаданы чемпионуна Нальчикни арасында төрт отоулу фаталгъа сертификат эмда къырал регистрация белгилери бла – P 001 EO 07 – «Мерседес» GL машинадан ачхычла, Оюнла эсде къалырча саугъа да бергенди. **Хасанби Таовну** да къуру къоймагъандыла: ол «Тайота Камри» бизнес

класслы автомобиль къоллу болгъанды.

Олимпиадалы чемпионы Къабарты-Малкъарны башчыларын, республиканы эмда Россейни да жамауатын анга тутхуллукь этгенлери ючюн жюрек ыразылыгъын билдиргенди. Ол Бразилияда аланы жюрек жылыуларын сезип тургъанын айтханды.

Тюнене окъуна 15 00 сагъатда Бахсан шахарда Маданият къаланы аллында майданда Беслан Мудрановха аны жууукълары, бир жерлилери, шухълары да тубегендиле. Жолда аны аллына миллет кийимлери бла атлыла кёп санда чыкыгъан эдиле. Алайда окъуна аны «Кабриолетге» олтуртхандыла, андан ары жолну ол сюелип, къол булгап баргъанды.

Беслан Мудрановну намысына 1 сентябрде, Къабарты-Малкъар Республиканы 95-жыллыгъыны кюнунде, уллу байрам къураллыкьды.

ХОЛАЛАНЫ Марзият.

Суратланы автор алгъанды.

Ачылыу

«Кюн шахарда» - Юрий Темиркановну атын жүрютген класс

Тюнене сабий чыгъармачылыккыны «Кюн шахар» академиясында кыуанчлы иш болганды – анда СССР-ни халк артисти, Санкт-Петербургну Шостакович атлы академия филармониясыны баш дирижёру Юрий Темиркановну атын жүрютген класс ачылганды. Жаш фахмулагъа

залда, ашагъан жерлеринде, общежитиясында халгъа кыарагандыла, юретиу иш, окъуучулары жашау-турмуш болумлары иги кыуралгъанына тыюунгендиле.

Ызы бла аланы Юрий Темирканов атлы классха элтгендиле. Аны коридорунда маэстрону жашау эм чыгъар-



кантны чыгъармачылыгын сүйгенлерин, андан юлгю алганларын, ол алагъа уллу искусствого жол кёрютген инсан болганын айтхандыла. Юрий Хатуевич а сабийлени кыонакъланы китабында, дискледе бла кыагыллада кюл салып кыуандырганды.

Экскурсиядан сора уа «шахарчыкны» арбазында байрам ингир башланганды. Аны республиканы культура министри **Мухадин Кумахов** ачханды.

КъМР-ни Башчысы Юрий Коков, жыйылгъанланы алгъышлай, республиканы кыраллыгын 95-жыллыгын аллында кеп байрам ишле кыуралгъанларын, бюгюн а энчи кюн болганын белгилегенди.

«Шендю мында айтхылык жерлешибиз, ётмелгибиз, битеу дуняда да аты айтылгъан Юрий Темирканов бизни биргебизге. Мен Кыбарты-Малкърны халккыны атындан сизни энтта бир кере алгъышлайма, чыгъармачылыгын жетишимли болуругъузну тежейме, - деп, ол Юрий Темиркановха музы-

ка искусствону айнытугъа этген уллу кыошумчулугу ючюн «Кыбарты-Малкър Республиканы аллында кыйыны ючюн» орден бла саугъаланганын айтып, аны анга бергенди.

Юрий Хатуевич, жыйылгъанлагъа ыразылыгын билдире, хар адамгъа анга жоралап быллай кыуанчлы иш кыуралгъаны хычыуун кёрюнгенин айтханды. Жюрек жылыуугъуз, ышаргъаныгъыз - хар не ючюн да сау болуугъуз, дегенди ол.

Байрам ингирни андан ары сабий коллективлени концерти бардырганды. Быыл «Россейни искусстволаны эм иги 50 школу» деген битеу кырал конкурсда хорлагъан Нальчикни искусстволаны биринчи номерли школуну (анда уа кеси заманында Юрий Хатуевич да окъуганды) хору жырлагъанды, гитче пианист **Алия Устинова**, **Ислам Шекежев**, **Андемиркан Бербеков** эм башхала пианинону, гитараны, скрипканы аламан ару сокъгандыла.

КУЛЬЧАЛАНЫ
Зульфия.



кыонакългъа айтхылык композитор **Юрий Темирканов**, КъМР-ни Башчысы **Юрий Коков**, Парламентни спикери **Татьяна Егорова**, Правительствоу председатели **Мусукланы Алий**, министрстволаны бла ведомстволаны келечилери келгендиле.

Сыйлы кыонакългъа алгъа «Кюн шахарда» экскурсия кыуралганды. Ала сабийле окъугъан кабинетледе, спорт

мачылык жолуну юсюнден сурат кёрмюч кыуралгъан эди. Былайда Юрий Хатуевич музыка класс аны атын жүрютюрюгюн анда билгенин, анга бек кыуанганын белгилерге тийишлиди. Анда жаш вокалистлени, инструменталистлени, ансамбльлени юйретирикдиле.

Классда уа алагъа мында окъурук сабийлени кыуанчлы уму тубегенди. Ала музы-

Ю.Х.Темиркановну «Кыбарты-Малкър Республиканы аллында кыйыны ючюн» орден бла саугъалауу юсюнден Кыбарты-Малкър Республиканы Башчысыны
УКАЗЫ

Музыка искусствону айнытугъа уллу кыйын салганы ючюн **ТЕМИРКАНОВ Юрий Хатуевич**ни – «Санкт-Петербургну Д.Д.Шостакович атлы академиялы филармониясы» федерал кырал бюджет культура учрежденианы художестволу башчысын, филармонияны россейли академиялы симфония оркестрини сыйлы коллективини художестволу башчысын эмда баш дирижёрун – «Кыбарты-Малкър Республиканы аллында кыйыны ючюн» орден бла саугъаларгъа.

Кыбарты-Малкър Республиканы Башчысы **Ю. КОКОВ**

Нальчик шахар,
2016 жыл 18 август,
№94-УГ

Ышаныу

Аниуар Гедуев финалгъа чыкълганды

Тюнене Рио-де-Жанейрода Олимпиада оюнланы программасына кёре Россейни эркин тутушуудан спортну устасы, Европаны кеп кере чемпиону эмда 2015 жылда дуняны чемпионатында доммакъ майдал алгъан Аниуар Гедуев 74 килограммгъа дери аурулукда кюйюзге чыкълганды.

Бизни айтхылы жерлешибизни тутушханына кыарагъанланы санында маэстро **Юрий Темирканов** бла КъМР-ни Башчысы **Юрий Коков** болгандыла. Ала эришулеге уллу эс буруп кыарагандыла.

Биринчи тобешуонде Гедуев узбекли спортчуну 10:5 эсеп бла кытханды. Экинчи жолда ол америкалы гёжеф Джордана Барроузаны 3: 2 эсеп бла хорлагъанды, ызы бла дуняны чемпионатында доммакъ майдал алгъан азербайджанлы Джабраил Гасановну онглаганды (5:4).

Алай бла бизни гёжефиз Аниуар Гедуев эркин тутушудан финалгъа чыкълганды эмда андан умутчу болгъанланы майдалсыз кыалмазлыгын ышандырганды.

КъМР-ни Башчысыны
бла Правительствоу
пресс-службасы.

КЕНГЕШ

Фейерверклени низамгъа сыйындырыуу юсюнден барганды сёз

КъМР-ни Правительствоу Председатели **Мусукланы Алий** фейерверклени бир низамгъа сыйындырыуу тап амалларын табар мурад бла кенгеш бардырганды. Аны ишине КъМР-ни Башчысыны Администрациясыны бла КъМР-ни Правительствоу аппаратыны, Нальчик шахар округну жер-жерли администрациясыны, прокуратураны, КъМР-де МВД-ны, МЧС-ни КъМР-де Баш управлениясыны келечилери кыатышхандыла.

Кенгешде пиротехниканы хайырлануу жорукълары, салютла атырыны аллында аны юсюнден тийишли ведомстволала бла аны заманын, жерин да тохташдырыуу нызамы сюзюлгендиле, жамауатны ырахатыгын жалчытуу жаны бла законодательствону сакъларгъа кереклиси айтылганды.

Ахырында пиротехника затланы хайырлануу бла бардырылык байрамланы, кыуанчланы тап кыуанчу юсюнден оюмланы КъМР-ни Правительствоуна берирге буйрук этилгенди.

КъМР-ни Башчысыны
бла Правительствоу
пресс-службасы.





Олимпиаданы днзвниги

Майдаллагъа ЭНТТА да кьошулугъуна ийнанабыз

Риода Олимпиаданы онекинчи кюнюнде россейлиле эки кюмюш бла бир доммакъ майдалла алгъандыла. Аланы барысын да тишируула кытханларын белгилерчады: тутушууда Валерия Коблова бла Наталья Воробьева, боксда уа Анастасия Белякова жетишимли болгъандыла.

58 килограммгъа дери ауурлукъда эришген Валериягъа Олимпиаданы «кюмюшю» бек уллу жетишимлеринден бириди. Алай финалда японлу Каори Итёге кытдыргъаны уа аны бек ачыу этдиргенди. Ала эндиге дери да эришген эдиле – Ташкентде дуняны чемпионатында. Ол заманда японлу бизникин кез ачдыр-



Екатерина Букина.

май хорлагъан эди.

Андан бери Коблова Каори бла жангы тубешиунно ашыгып сакълагъанды, аны артка кыюу кызыны баш мураты болгъанды, анга хазырлана, залдан чыкмагъанлай жараула этгенди. Алай ол умутун бу жол да толтуралмагъанды.

Болсада, Ташкентде ол Каориге 10:0 эсеп бла кытдыр-

гъан эсе да, бу жол хорламны алай тынч бермегенди, эсеп 2:3. Итё кеси уа тишируу тутушуулары жигитине, дуняда эм кючлюге саналады, Олимпиада оюнланы тёрт кере чемпионуду.

Алай Россейни эркин тутушудан сыйлы тренери Яков Гантман бу эсепге ыразы болмагъанды. Судьяла тюз оноу чыгъармагъандыла, ала японлу спортчуну даражасына къарагъандыла, Коблова алтын майдалгъа тийишли эди, дегенди ол.

Лондонда Олимпиаданы,



Наталья Воробьева.

билдиргенди.

Алай быладан да кыйын а боксдан доммакъ майдал келгенди. Аны алыр ючюн, Анастасия Белякова ачыгъан окъуна этгенди. Жарым финалда ол французлу Эстель Мосселиге кытдыргъанды, аны бла туюшгенде саулугъуна чып да туюшургенди. Эстель аны инбаш жанына къаты ургъанда, бизники кырууаналмай кългъанды. Рингден аны сермеш бошалгъынчыгъа дери медикле инвалид коляскада чыгъаргъандыла. Къызыны тренери Фёдор Шарафисламов билдиргенге кёре, спортчуну ин-



Анастасия Белякова.

Лас-Вегасда дуняны, Бакуда Европа оюнланы чемпиону Наталья Воробьева (69кг.) бу Олимпиада майдалларына «кюмюшню» кьошхан-ды. Жарсыугъа, бу жол ол «алтынны» алалмагъанды. Финалгъа жол кыйын эди. Аны ючюн ол Къазахстандан Эльмира Сыздыкованы, Монголиядан Очирбатын Насан-



Алексей Денисенко.

бурмааны, Египетден Энас Мостафаны хорлагъанды.

Ахырында уа японлу Саре Досеге кытдырып ийгенди.

Финалда Саре кесин тынч жюрютгенди, бизники андан кыйда тири, онглуракъ да кёрюннгенди. Алай сермеш бошала тургъанда, Досе, тюз приёмну этип, эки балл алгъанды. Быллай кезиуледе хорлам ахыр очколаны алгъан спортчугъа бериледи. «Кюмюшге» Наталья кыуанган угъай, жарсыгъан этгенди, майдалны такъгъанларында да, кез жашларын кючден тыя сюелгенди. Артка ол бир бири ызындан эки Олимпиадада хорлау аны баш муратларындан бири болгъанын, алай ол анга жеталмагъанын

башында сюеги чыкъгъанды, жууукъдагы сюеклери да ачыгъандыла.

Алай бла онекинчи кюнню эсеплерине кёре, Россей алгъыннгы, тёртюнчю жеринде кългъанды, аны онеки алтын, онтёрт кюмюш, онбеш да доммакъ майдаллары барды.

Олимпиаданы 13-чю кюнню да майдаллагъа бай болмагъанды, спортчуларыбыз жангыз да эки майдал алалгъандыла: эркин тутушудан – «доммакъ» эм тхэквондодан – «кюмюш». Екатерина Букина хар тубешиунно да къараучулары сагъайтырдан кълмагъанды, ол санда уа финалда да. Гёжеф кызы

балла бла хорлай келгенлей, ызы бла къаршы спортчулагъа алчылыккыны ычкындырып кыюу эди. Алай жиберген халатлары анга майдалны алыргъа чырмамагъандыла. Ахыр сермеш тенг эсеп бла бошалгъанлыккыгъа, приёмланы кёбюрек этгени ючюн Екатерина хорлагъанды.

Тхэквондода уа эндиге дери артыкк белгили болмагъан спортчу иорданиячы Ахмад Абугауш бизни Алексей Денисенкону хорлагъанды, аны хатасындан ол кюмюш майдал бла чекленгенди.



Валерия Коблова.

Аны бла сермешгинчиге дери спортчубуз тюркюлю Сервет Тазегюл бла туюшургенди. Ол дуняны, ары дери болгъан Олимпиаданы да чемпионуду. Ол алгъаракълада бек даражалы эришиуледе Алексейни 3:1 эсеп бла хорлагъан эди. Алай россейли бу жол анга дертин жетдиралгъанды. Тубешиунно ол, терк эм кючлю чабыууладан башлап, эки раундну да хорлам бла бошагъанды.

Бельгиячы Яуад Ахаб бла сагъыракъ болгъан эсе да, аны да онглагъанды.

Финалда не корейли Шин Дун Юн, не испанлы Хоэль Гонсалес бла туюшоше деп тургъанлай, аланы экисин да Ахмад хорлап чыкъгъанды. 20-жыллыкк иорданиячы эндиге дери эришулерини биринчи кезиулеринден ары хазна баралмагъанды, бу жол а ол танымазча эди. Не биринчи, не экинчи раундда ол Денисенкону кесине тап жууукълашыргъа кыюмагъанды, ол чабыуул этеме дегенде уа, эки кере башына уруп, аслам очко жыйгъанды. Алай бла иорданиячы алтын, бизники уа кюмюш майдалланы алгъандыла.

Газетни басмагъа хазырлай тургъан заманда Рио-де-Жанейродан кыуанчы хапар келгенди. Бизни синхронисткаларыбыз команда эришуледе Россейге 13-чю алтын майдал келтиргендиле. Алай бла Россей таблицада тёртюнчю жерин кыйтаргъанды.

КУЛЬЧАЛАНЫ Зульфия.

Майдалланы эсеплери

Кыралла	алтын	кюмюш	доммакъ	битеу да
1 🇺🇸 США	35	33	32	100
2 🇬🇧 Великобритания	22	21	13	56
3 🇨🇳 Китай	20	16	22	58
4 🇷🇺 Россия	13	15	17	45
5 🇩🇪 Германия	13	8	11	32
6 🇯🇵 Япония	12	6	18	36
7 🇫🇷 Франция	8	12	14	34
8 🇮🇹 Италия	8	10	6	24
9 🇳🇱 Нидерланды	8	4	4	16
10 🇦🇺 Австралия	7	10	10	27
11 🇰🇷 Южная Корея	7	3	8	18
12 🇭🇺 Венгрия	7	3	4	14
13 🇧🇷 Бразилия	5	5	5	15
14 🇪🇸 Испания	5	2	3	10
15 🇭🇷 Хорватия	5	2	0	7

